

682.8213  
0824  
12167

# 豫河續志

陳善同題  
卷三十



豫河續志卷二十

附錄第八下

京漢路黃河鐵橋案

黃河鐵橋綰轂南北爲京漢路適中之關鍵微特行旅往來貨物運輸至此必須直達而聯兩端爲一氣在軍事之進行防禦亦爲切要之圖自光緒二十九年八月修築之時河南巡撫張人駿奏黃河鐵橋建造不易奉硃批著袁世凱張之洞盛宣懷妥議具奏三十年六月督辦鐵路大臣盛宣懷始行奏到蓋當時人心咸以黃河湍悍土性沙鬆即盛宣懷亦未敢信橋工之必成故復飭洋工程司沙多詳核議復並與袁世凱張之洞往返籌商世凱之洞亦派華洋各員復加履勘所以延至十月之

久盛宣懷乃將沙多所議者詳爲覆奏三十二年張人駿以橋下新長大灘又奏稱沙多係異域之人未諳中國水性成此誤舉奉硃批著鐵路大臣妥議辦理前二摺均見前志茲不複述而鐵路大臣二次所議者案牘不全無從稽考三十年九月河南巡撫兼管河工事務林紹年附奏再黃河自鐵路橋成水勢即有更變蓋緣橋柱之下拋石無數以致障沙分溜處處不同臣來汴時即留心與鐵路人員辯論及之雖據言公司亦深知橋隨河而並重非敢專顧橋工置河不問及詰以橋下石墩顯爲固橋而礙河則又以向來河水含沙石在水中與沙相等伏秋大汛水從石面而行所攔者徑寸鐵柱而已不知沙在水底逐流蕩漾隨刷隨開究非石比若石則儼成戶限不過伏在水

中視截於水面者爲少若必謂絕不攜水無是理也但橋工旣成且拋石亦無從禁自不得不於河加慎隄防查橋西上游南有廣武諸山尙無庸慮所最易生險者尤在北岸民埧橋東下游則北岸又覺稍輕而南岸四廳極形喫重蓋鐵橋名雖南北橫過於河隄實自東北而向西南故水本東流因過橋亦成斜趨之勢況因石障沙因沙分溜北岸則坐灣可慮南岸則尤苦當衝年來險工叢生悉由於此即孟縣工程愈刷愈鉅亦未始不由此也刻惟有督飭文武各員認真修守而向來無工處所尤覺防不勝防前撫臣因此鐵橋疊次奏陳洵非過慮臣詳加察看不敢不縷晰陳明查此奏尋准郵傳部咨稱內閣抄出河南巡撫林奏陳明鐵橋關係河工情形一片奉硃批知道了欽

遵到部本部思患預防札派京張路局總辦詹道天佑會同代理京漢路局總監督鄭道清濂日內前往詳細察勘除札飭該道遵照先勘鐵橋並沿河勘至孟津各處或隨帶洋員一同前往外相應咨行查照飭屬照料自此咨外徧查各卷未見再有部咨亦未見有詹天佑鄭清濂覆稟之文並未聞有人復議鐵橋之事則當時所覆大略可想矣邇年鐵橋保險之期已過方且亟議重修今昔人之觀念不同有如是者

## 借河隄籌辦汽車路案

民國九年五月河務局長吳箕孫訓令黃沁十一分局照得本局長昨奉省長面諭現擬於沿河地方籌辦汽車藉原有隄埝爲道路交通既便工防尤裨惟隄上有無阻礙難行之處飭即查復等因查隄埝多屬衝要道路上年河務會議本局長曾經提議將各河重要隄埝劃歸國道案內由國家提前修治當經公決由會請部酌核加入國道案內辦理或分別國道省道雙方協辦各在案茲奉前因除分行外合行令仰該分局長遵照迅將該管工段大隄能否行駛汽車有無卑道殘缺及其他滯礙難行之處剋日查明具復以憑核轉

民國十年十二月河務局長吳箕孫呈省長案據李鴻賓李杜

郭維楨張恩隆等稟稱竊鴻賓等擬組織汽車公司自黃河北

岸蘭封河口至濟源縣行駛汽車以通商賈經過路綫除借用

由沁陽至濟源官路外所有由蘭封河口至濟源北部以借黃

沁兩隄爲最適宜如蒙准予借用兩河隄埝作汽車路綫隄面

平時修理凡在路綫之內公司概行負責儻遇緊要工程運輸

河工用品公司略取油費代爲辦理以免貽誤除呈請省長借

用官路外懇請照准以便進行等情並送路綫圖說到局查該

公司所擬借用黃沁兩河隄埝作爲路綫旣據稟稱路綫經過

隄段擔任平時修理遇有緊要工程並代運輸料物於河務交

通兩有裨益似應准其借用除批示照准外理合檢同原送圖

說呈請鑒核備案

是月河南省長張鳳臺指令河務局呈悉據稱李鴻賓等創辦  
汴車由蘭封口至濟源路線借用黃沁兩河隄埝擔任平時修  
理遇有要工代運料物於河務交通兩有裨益應准如擬辦理  
至本署另據李鴻賓等呈請借用沁陽至濟源官道同係便利  
交通并准如所請備案除行實業廳外仰即轉飭該商作速組  
織就緒依例呈請報部註冊

民國十一年一月河南督軍趙倜省長張鳳臺訓令河務局案  
據省議員郭平鄭勉齋等稟稱創辦汴車公司懇予令飭經過  
各縣出示保護事竊以交通不便文化阻塞行旅裹足商業窳  
敗調兵運餉更屬困難議員等有鑑於此特籌集貲本拾伍萬  
圓創辦沁濟黃校汴車公司其路線計分爲三一自黃河橋經



過武陟縣沁陽縣至濟源縣一自清化鎮至沁陽縣一自清化鎮至校尉營其路基均借用官大道及黃沁兩隄業在實業廳呈准備案第查長途汽車公司條例第十條第十一條之規定關係軍民兩政綦重非賴地方長官保護不足以策進行茲值敝公司創辦伊始平治道路修理橋梁建築房屋在在須動工作若不出示週知深恐發生誤會理合懇請督憲咨行省憲會令河務局及武陟沁陽濟源等縣出示保護以資進行而便交通等情查該員等創辦汽車係爲交通便利起見事屬可行除分行外合行令仰該局長遵照出示保護

是月河務局長吳質孫呈省長案據省議會議員李杜等稟稱竊杜等爲振興實業便利交通起見集合資本二十萬圓組織

久亨汽車公司曾已勘定路線一自清化鎮西至濟源城借用  
官大道一自蘭封縣屬之蘭封口西至濟源縣屬之馬村借用  
黃沁兩隄均經分別呈奉省署暨鈞局批准並呈由沁陽縣轉  
呈實業廳呈請省長分咨立案註冊各在案頃聞有他人欲圖  
侵害稟請督軍咨行省長會令鈞局出示保護亦係聲稱借用  
官道河隄與杜等所勘路線大相衝突遽聽之下不勝駭異查  
組織此項公司非同他實業可比其成立之根據在於借用官  
大道暨黃沁兩隄故杜等先行呈請省署暨鈞局備案後又依  
公司條例規定手續呈由沁陽縣署轉呈實業廳呈請省長分  
咨立案註冊若舍此辦理均與法理不合至有他人如何進行  
是否合法自可詳查且杜等所呈奉省署暨鈞局沁陽縣知事

批令亦並未提及有他人借用官大道與河隄暨呈請立案註冊之事竊恐係他人朦稟督軍對於杜等上陳各情不肯說明用特據實詳陳懇乞力維原案以利進行而免衝突並祈分別呈明軍民兩長請予維持等情查此案前據李鴻賓李杜等稟請借用黃沁河隄作爲路線擔任平時修理遇有工程緊急之時並可代爲運輸料物職局長當以無礙修防呈奉指令照准在案旋奉督軍省長會令郭平等籌辦沁濟黃校汽車公司飭即出示保護正遵辦間據稟前情查交通部規定長途汽車公司條例暨營業規則並無不准兩公司行駛同一路綫之規定惟按諸事實誠恐發生意外衝突現在兩公司借用河隄致啟爭議究應如何辦理之處事屬實業廳管轄範圍理合呈請鑒

核示遵

十月九日河務局長鄧長耀呈督軍省長案據武原分局長汪福蔭呈稱准清濟黃校汜車公司函稱組織汜車公司呈奉督軍批准請飭照原定路線由黃河橋北岸起點經過武漿汛大隄等情分局未奉局令理合呈請示遵等情當以長途汜車公司條例雖無不准兩公司行駛同一路綫之規定惟按諸事實誠恐發生意外衝突經吳前局長呈請省署核示未奉指令據呈清濟黃校公司是否沁濟黃校公司當經指令該分局長詳細查復茲據呈稱詢據該公司創辦人郃清風面稱沁濟黃校公司即清濟黃校公司並非有二久亨已將清化辦事處取銷停頓營業且於八月間曾蒙督軍飭傳兩公司代表集於省城

證明清濟黃校公司立案在先遂論久亨將來果使開辦當然  
另勘路線庶免同駛發生衝突現在久亨既已中止自應暫置  
勿議至對於河隄修理辦法凡汽車經過之處均由公司一律  
擔任原存隄身只准加高培厚不許削割取用隄土此外每年  
於紅利項下抽提百分之五作爲地方及河工借路之報酬茲  
接本省軍用汽車籌備處來函催促進行所購汽車今由天津  
運到黃河橋頭二輛勢不可緩急須興工等情具復前來查清  
濟黃校汽車公司既奉批准所請借用武棗汛黃河大隄之處  
似應照准理合呈請鑒核示遵

二十一日河南督軍馮玉祥指令河務局呈悉查此案前據該  
公司創辦人郭振瀛邵清風等呈請集股組織清濟黃校長途

汽車公司路綫一由清化車站至濟源縣以工賑所修之馬路爲路基一由黃河北岸至校尉營以黃沁河隄及官路爲路基請准備案等情業經批准在案現該公司呈請借用武滎汎黃河大隄自應照准惟借用河隄修築對於隄身須顧慮周到不得稍有損壞仰即轉飭該公司妥慎辦理

民國十三年七月河南省長李濟臣訓令河務局案奉巡帥函開豫省汽車路綫所有黃河北岸沿隄一帶道途尙屬平坦略加修補即可藉以行車於修築工程較爲輕而易舉當經委派本署諮議宋德玉前往詳細查勘茲據復稱查得各汎隄工臨黃較近者如孟溫兩縣東西汎之唐郭村封邱汎界荆隆工以下等處因時常修補隄面平坦刻下即可行車餘如封邱汎上

界及陽武原武武滎武陟等汛臨黃較遠多未認真修理風雨衝刷不免殘缺而浪窩堡道亦復多而且深至岳店詹店等村隄面築有寨牆沁蟒各河橋梁極窄又武陟溫縣之間約計三十里並無隄工而孟縣汛上界隄頭至河口二十里以內皆有路溝均於交通有礙自非分別修葺不能行駛汽車稟請核辦查所稱河隄殘缺之處不惟有礙行車且於伏汛前途危險甚大亟應趕速修整一以防禦水患一以裨益路政除委宋諮議爲河北汴孟沿隄汽車路政監督以專責成外相應開列應行修築地段及各辦法清單函請查照飭下該管各局縣商承宋監督趕速設法修理務期剋日告竣以利進行實爲至盼所有動工日期修理情形並希隨時見復查此案前經令飭該局督

飭各縣會查明確核議復奪在案茲奉前因合行抄發清單令仰遵照轉飭各縣商承宋監督辦理隨時呈報

附清單

河北汴孟一帶隄工路綫應修地點及辦法

一下北汛自辛店起至上界第一堡止長約五里隄面極形殘缺應飭河務局從速認真飭修齊整

一封邱汛自荆隆工起至陽武汛上界第一堡止此段內浪窩較多而堡道亦形深密應飭河務局從速認真修整其間岳店村於隄面修有寨牆應飭封邱縣知事會同陽封河務分局長曉諭該村招集民夫急速撤平以便通車

一原武汛汛長已將該管汛內浪窩全行填平惟堡道雖亦陸



續修填尙未完整應飭河務局從速飭修

一武榮汛武陟汛除攔黃埝外浪窩堡道亦屬不少應飭河務局從速修整其間詹店等村於隄面修有寨牆應飭武陟縣知事會同武原河務分局長曉諭該村招集民夫迅速撤平以便通車

一沁河兩岸隄面常走騾車軋轍深亂應飭武陟縣知事會同河務分局長認真取締嚴行禁止

一沁河橋薄而且窄應飭武陟縣知事設法募款重修以期一勞永逸

一武溫兩縣之間有三十里無隄舊有車路甚窄應飭武溫兩縣知事會商辦法竭力開寬取直以便通行汽車